

Alk dio gora egin duela tratu txar eta tortura salaketa kopuruak Hegoaldean

Argibidea eskatu du poliziek jasotzen duten giza eskubideei buruzko programez

Amnesty Internationalek (AI) «kezka handiz» ohartarazi du azken aldion gora egin duela Hego Euskal Herrian tratu txarrekin nahiz torturekin zerikusi duen salaketa kopuruak. Horregatik, Gobernuari informazioa eskatzeko hasi zaie, poliziek giza eskubideez duten heziketari buruz.


Luis Karlos Garcia / Gasteiz

ANDRES KRAKENBERGER Alko Espainiako saileko lehendakariak jakinarazi du giza eskubideen aldeko elkarte harremanetan dagoela erkidego autonomikoetako nahiz Espainiako agintariekin, poliziek jasotzen dituzten giza eskubideei buruzko heziketa programez argibideak lortu nahian.

Espainiako Gobernuari informazioa eskatu zioten, eta, era berean, Eusko Jaurlaritzaren txostena espero dute Ertzaintzak darabilen formazio ekimenez jakiteko; udaltzaingoei erabiltzen dutena Ertzaintzak duenaren antzekoa da.

«Gure arduraren arrazoia da gorakada handi samarra sumatu dugula Espainiako Estatu osoan tratu txarrei buruzko salaketetan, batez ere polizia lokalei dagokienez», adierazi zuen Krakenbergerrek. Salaketak aurkeztu dira komisarietan nahiz espetxeetan ustez egindako giza eskubideen bortxengatik, eta Hego Euskal Herriko herrialdeetako kasu kopurua «dezenete» igo dela zehaztu zuen.

AI erakundearen eta Justicia y Paz elkarteetako bozeramaileen arabera, neurri handi batean, arrazakeriarekin zerikusi zuzena zuten kasuek eragin dute salaketa kopuruaren handitzea, hots,



Andres Krakenberger —ezkerrean— eta beste elkarteetako kide bat, atzoko aurkezpenean.

JOSEBA OLALDE

etorkinek polizia komisarietan nahiz kartzeletan jasaten duten tratuen ondorio zuzena da.

Alk harrera ona topatu du Gobernuetan eskatutako informazioa zela eta, baina askoz itxieria handiagoa aurkitu du atxilotuen inkomunikazio epea aldaraztea aldarrikatzean. Elkartearen eskaera da bertan behera uztea, tratu txar nahiz tortura kasu gehienak gertatzen diren momentua baita, baina gobernu ordezkariak ezetz erantzun dute, inkomunikazioa delituak argitze-ko behar-beharrezkoa dela esanez.

Hitzaldiak datorren astean • Gasteizko Alren taldeak eta Justicia y Paz elkarteak prentsaurrekoa eskaini zuten atzo datorren aste-rako antolatutako hitzaldi zikloaren berri emateko.

Giza eskubideen deklarazioa onartu zenetik 50 urte beteko dira datorren ostegunean, eta Alko kideek, 18.250 egun igaro diren honetan, «lanean jarraitze-ko prest» daudela esan zuten ekitaldien izenburu eta mamiaz ari- tzean.

Datorren asteazkenean hasiko dira, Mireya Perea giza eskubideen aldeko borrokalari kolonbia-

rrak eta Francesc Riera Brigas Internacionales de Paz taldekoak Kolonbiari buruz emango duten hitzaldiarekin. Mintzaldia, gai- nontzekoak bezalaxe, Monteher- moso kulturunean egingo da, arratsaldeko 19:30etatik aurre- ra.

Bigarrena, ostegunean, Alren betekizunei buruz ariko da, eta Esteban Beltran Alko Espainiako saileko zuzendariak eskainiko du. Ostiralean, berriz, Miguel Angel Sanchez Justicia y Paz elkarte-ko idazkari nagusia Espainiako Estatuko giza esku- bideen egoeraz mintzatuko da. X

Bigarren mundu gerrako 200 obus aurkitu dituzte Miarritzeko hondartzan

Joan den azaroan antzeko 1.500 lehergai atzeman zituzten

Efe / Miarritze

MIARRITZEKO hondartzan bigarren mundu gerrako 200 obus aurkitu zituzten atzo. Polizia iturriek jakinarazi zuten, hondartzan paseatzen ari zen pertsona batek aurkitu zuen gerra munizioa arratsaldean. Aurkikuntza egin zuen pertsonaren nortasunaren berri ez zuten eman, atzo artean.

Poliziako artezilari talde berezitu batek bildu zituen obusak, eta Sougeseko eremu militarrean eraman zituzten.

Hau ez da Miarritzeko hondartzan horrelako material arriskutsua aurkitzen duten lehen aldia. Joan den azaroan antzeko 1.500 lehergai aurkitu zituzten, haiek ere bigarren mundu gerrakoak. X

IAk geldialdira deitu du gaur Donostiako irakaskuntza ertainetako ikastetxeetan

Erredakzioa / Donostia

IKASLE ABERTZALEEK geldialdirako deia egin die gaurko Donostiako irakaskuntza ertainetako ikasleei. IAk hiriko ikastetxeetan ikasleen «eskubideak sistematikoki urratzen» direla salatu nahi du.

Protestaldi honetarako deia Axular lizeoan berriki jazo diren gertakariak eragin dute bereziki, han bi egunetarako kanporatu baitituzte 23 ikasle. X

Egunkaria
KLASIKOAK

BIHAR,
Egunkaria
+ 550PTA.

Mussorgski
GAU BAT MENDIGORRIAN, ERAKUSKETA BATEKO KODROAK

Bizet
CARMEN ETA ARLESIANA SUITEAK

GIPUZKOAN ETA ARABAN

**BIZKAIAN, NAFARROAN
ETA IPARRALDEAN**